

賈島

陳陶

唐宣宗皇帝賜賈島墨制

敕比者禮部奏卿風狂遂直令關外將息今卻攜卷軸潛至京城遇朕微行聞卿諷詠觀其志業可謂屈人是用顯我特恩賜爾墨制宜從短簿別俟殊科可守劍南道遂州長江縣主簿仍便賞敕乘驛赴官所管藩侯宜上聞

大中八年九月七日

右大中墨制九十四字舊刻石祠堂中唐書作傳云文宗時坐飛謗貶長江主簿會昌初以普州司倉遷司戶參軍墓誌亦記惟飛謗解褐責授長江簿會昌癸亥終於普州官舍錄絳當時人誌必不差摘言載武宗時謫去尤非也然則大中恐是大和字今不敢輒改以俟知者辨之王逵謹跋

唐故司倉參軍賈公墓銘

鄉貢進士蘇絳撰

公諱島字浪仙范陽人也其先自周康王封少子建侯於賈因而氏焉諠則漢太傅演則晉尚書絳是而
巖裔流遠矣祖宗官爵頗未研詳高曾不仕公長材閒氣超卓挺生六經百氏無不該覽妙之尤者屬思
五言孤絕之句記在人口穿楊未中遽罹飛謗解褐責授遂州長江縣主簿三年在任卷不釋手秩滿遷
晉州司倉參軍諸侯待以賓禮性和茂未嘗評人之是非況不食葷血風骨自清念持金偈真搜至理悟
浮幻之莫實信無生之可求智矣哉又善攻筆法得鍾張之奧所著文篇不以清新綺靡為意澹然躡陶
謝之蹤片雲獨鶴高步物表長沙裁賦事略同焉攸望遭遇時求繁泥必降優游華省翔泳清途噫修短
定期數豈能越會昌癸亥歲七月二十八日終於郡官舍春秋六十有五嗚呼殆未浹旬又轉授晉州司
戶參軍榮命雖來於我何有痛而無子夫人劉氏承公遺旨粵以明年甲子三月十七日庚子擇安岳縣
移風鄉南崗權安里也慮陵谷遷變刊石紀時以絳忝公知者見命為誌詞愧無文銘曰
猗歟賈公天縱奇文名高位下鶴不在雲蜚振聲光高步出羣今則已矣馨若蘭薰

賈浪仙長江集目錄

第一卷

范陽賈島浪仙

古意

望山

北岳廟

朝飢

哭盧仝

劍客

口號

寄遠

齋中

感秋

翫月

辭二知己

義雀行

宿懸泉驛

辯士

不欺

絕句

寓興

遊仙

枕上吟

雙魚謠

易水懷古

蚤起

客喜

寓延壽里精舍

贈智朗上人

送沈秀才

酬棲上人

見終南雪

寄孟協律

和劉誦

懷獨孤崇魚珠

投張太祝

詠韓氏二子

送別

詣張籍韓愈

上谷送客

重酬姚少府

投孟郊

代邊將

寄劉栖楚

寄丘儒

送陳商

送張校書李霞

寄友人

答王參

延康吟

戲贈友人

寓興

懷鄭從志

登龍興寺樓

送鄭山人

就峯公宿

劉景陽東齋

對雨

送集文上人

題岸上人閑居

遊子

寄王參

送汲鵬

寄令狐相公

哭柏巖禪師

山中道士

就可公宿

旅遊

送鄒明府遊靈武

題藍田廳

贈王將軍

下第

寄賀蘭朋吉

憶吳處士

哭孟郊

送崔定

寄白閣默公

宿鎬司馬池上

送朱可久歸越中

送田卓入華山

送董正字常州覲侍

酬姚少府

送無可上人

送李騎曹

送烏行中

送覺興上人

寄無可上人

南池

寄貞空二上人

送貞空二上人

送裴校書

寄姚合

即事

上韓吏部

題天津橋南山

投李益

弔孟協律

送人適越

送僧遊衡岳

送路

洛陽道中寄弟

江亭晚望

送耿處士

過唐校書書齋

送杜秀才

送天台僧

懷紫閣隱者

懷皇甫荀

秋暮

哭胡遇

送丹師歸閬中

送惟鑒法師

題李凝幽居

送韓湘

寄董武

宿贛上人房

訪李甘原居

題山寺井

無可上人相訪

送李餘及第歸

荒齋

喜賀蘭三見訪

題錢公房

送陳判官

送唐瓌

喜唐溫琪頻至

送敬法師

寄錢庶子

原上秋居

夏夜

冬夜

送厲宗上人

寄李存穆

贈無懷禪師

寄姚主簿

題劉華書齋

送盧秀才

送姚明府

送友人遊江左

雨中懷友

寄遠

南齋

題友人新居二首

送雍陶入蜀

張郎中過原東居

答王秘書

送李餘

偶作

過雍秀才居

寄顧非熊

送神邈法師

送雷韻法師

送知興上人

送惠雅法師

憶吳處士

題張博士新居

留辭從叔暮

送朱兵曹

懷博陵故人

夕思

寄楊少尹

孟融逸人

晚晴見終南諸峯

宿池上

喜姚郎中廻

送鄭史

送李溟

和楊鄭州

題長江

泥陽館

送徐員外

送賀蘭上人

寄令狐相公

寄李尚書

逢舊識

崇聖寺彬公房

送李傳侍郎

別徐明府

送友人歸襄陽

送友人入蜀

送鄭少府

子規

送僧歸天台

第二卷

上樂使君

贈友人

送雍陶及第歸

謝令狐相公賜衣

送鑒周上人

送譚達上人

新年

送姚杭州

送僧

夜集田卿宅

寄長孫棲嶠

酬厲玄

送錮式

送空公

贈紹明上人

贈弘泉上人

送宣皎上人

病起

送殷侍御

送沈鶴

懷錢孟二公

贈李金州

酬姚校書

送獨孤馬二秀才

病蟬

青門里作

盧秀才南臺

寄李輶侍御

寄令狐相公

再投李益

積雪

過楊道士居

贈僧

送友人遊塞

思遊邊友人

秋暮寄友人

寄令狐相公

和孟逸人

宿姚少府北齋

雪晴晚望

送崔嵬

寄朱錫珪

馬戴居華山因寄

寄胡遇

送李戎

送孫逸人

寄華山僧

送李登

過郝逸人居

酬李廓

與李廓同宿

送南卓歸京

酬韓愈書問

長孫霞李溆見訪

送惟一

鄭尚書新開涪江二首

寄喬侍郎

送去華法師

送蔡京

慈恩寺上座院

題朱慶餘所居

送黃知新

贈胡禪師

元日女道士受錄

重與彭兵曹

贈莊上人

逢僧伯陽

贈皇甫主簿遊山

宿成湘林下

喜雁陶至

酬胡遇

宿郁公房

送褚山人

寄韓湘

雨夜寄馬戴

喜無可上人回

寄毘陵徹公

送韋校書

寄劉侍御

送穆少府

留別鄴中友人

送李校書

宿孤館

哭宗密禪師

宿山寺

送友人如邊

題竹谷上人院

京兆原作

寄江上人

送僧歸太白山

暮過山邨

鷺鷥

內道場僧弘紹

蔣亭和蔡湘川

光州王使君水亭作

留別王使君

宿姚合宅寄張司業

哭張籍

靈準上人院

寄柳舍人

送玄巖上人歸西蜀

寄宋州田中丞

送朱休歸劍南

寄長武朱尚書

送皇甫侍御

郊居即事

夜集姚合宅期可公不至

喜李餘自蜀至

王侍御南原莊

送康秀才

送僧

送魏少府

原居即事言懷

登樓

上樂使君救康成公

昆明池汎舟

送僧

送劉知新

寄慈恩寺郁上人

送饒州張使君

觀冬設上楊尚書

巴興作

蚤蟬

投元郎中

阮籍嘯臺

滕校書院小池

送陝府王司馬

上谷旅夜

寄無得頭陀

雙白鷺

送胡道士

寄韓潮州

酬張籍王建

逢故人彭兵曹

贈牛山人

送子中丞

送劉侍御重使江西

贈圓上人

贈李使君

酬文郁上人

訪鑒玄師姪

夜坐

送別

聞蟬感懷

夏夜上谷宿開元寺

送子總持歸京

崔卿池上鶴

田中丞高亭

友人婚楊氏催裝

酬朱侍御望月

題韋雲叟草堂

和韓愈汎南溪

方鏡

酬姚合

送靈應上人

贈丘先生

渡桑乾

夜期嘯客不至

夜集烏行中所居

贈梁浦斑竹杖

尋石鑿寺上方

秋寄題靈隱寺

黎陽寄姚合

送崔約秀才

詠懷

夏日寄高洗馬

送周判官元範赴越

送羅少府歸牛渚

題童真人

贈溫觀主

麗少尹除太常少卿

上邠寧邢司徒

欲遊嵩岳留別李益

病鶻吟

贈僧

贈翰林

頌德上賈常侍

田將軍書院

投麗少尹

夏夜登南樓

題青龍寺

贈李大通

贈號州三堂吳郎中

送僧

三月晦日贈劉評事

送張道者

題魚尊師院

宿杜家亭子

送櫛上人

楊秘書新居

聽樂山人彈易水

經蘇秦墓

題戴勝

題隱者居

哭孟東野

過京索先生墓

客思

鹽池院觀鹿

賈浪仙長江集卷第一

司戶參軍 賈島 浪仙

古意

碌碌復碌碌百年雙轉轂志士中夜心良馬白日足俱為不等閒誰是知音目眼中兩行淚曾弔三獻玉

望山

南山三千里不見踰一旬冒雨時立望望之如朋親虬龍一雨波洗蕩千萬春日日雨不斷愁殺望山人
天事不可長勁風來如奔陰靈一以掃浩翠寫國門長安百萬家家張屏新誰家最好山我願為其

鄰

北岳廟

天地有五岳恒岳居其北巖巒疊疊重詭怪浩難測人來不敢入祠宇白日黑有時起霖雨一灑天地德
神兮安在哉永康我王國

朝飢

市中有樵山北舍朝無煙井底有甘泉釜中乃空然我要見白日雪來塞青天坐聞西林琴凍折兩三絃
飢莫詣他門古人有拙言

哭盧仝

賢人無官死不親者亦悲空令古鬼哭更得新鄰比平生四十年惟著白布衣天子未辟召地府誰來追

長安有交友託孤遽棄移冢側誌石短文字行參差無錢買松栽自生蒿草枝在日贈我丈溪流把讀時從茲加敬重深藏恐失遺

劍客

十年磨一劍霜刃未曾試今日把似君誰為不平事

口號

中夜忽自起汲此百尺泉林木含白露星斗在青天

寄遠

別腸多鬱紆豈能肥肌膚始知相結密不及相結疎別恨應少密離恨難祛門前南流水中有北飛魚魚飛向北海可以寄遠書不惜寄遠書故人今在無況此數尺身阻彼萬里途自非日月光難以知子軀

齋中

耽靜非謬為本惟實疎索齋中一就枕不覺白日落低扉礙軒轡寡德謝接諾叢菊在牆陰秋窮未開萼所飡類病馬動影似移岳欲駐迫逃衰豈殊辭縷縛已見飽時雨應豐蔬與藥

感秋

商氣颯已來歲華又虛擲朝雲賦奇峯暮雨灑疎滴幾蜩嘿涼葉數蛩思陰壁落日空館中歸心遠山碧昔人多秋感今人何異昔四序馳百年玄髮坐成白喧喧狗聲利擾擾同轍迹儻無世上懷去偃松下石

翫月